



*Administrativna komisija*

Broj: 04-GV-02-1721/21  
Sarajevo, 22.12.2021. godine

**ZAPISNIK O RADU**  
**11. SJEDNICE ADMINISTRATIVNE KOMISIJE**  
*održane 22.12.2021. godine*

Prisutni:

1. Jasmin Ademović, predsjedavajući
2. Adi Škaljić, zamjenik predsjedavajućeg
3. Toni Vukadin, član
4. Dragan Stevanović, član
5. Drago Jurić, član
6. Vedad Deljković, član
7. Bajro Biber, član

Sjednici iz Stručne službe Gradskog vijeća Grada Sarajeva prisustvuju:

- Mila Eminović Rizvanović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuje i:

- Muamer Kutlovac, pomoćnik Gradonačelnice za finansije
- Semir Mušinović, ispred gradske službe za urbano planiranje, investicijske, stambene i komunalne poslove
- Ismena Čaušević, ispred gradske službe za Informacioni centar
- Merima Hadžiabdić, Odsjek za saradnju sa zdravstvenim, javnim ustanovama i organizacijama dječije i porodične zaštite
- Elvir Hadžiahmetović, pomoćnik Gradonačelnice za lokalno poslovanje i razvoj grada

Predsjedavajući Komisije je otvorio sjednicu u 10.00 sati, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Desete sjednice Administrativne komisije održane 24.11.2021. godine.

Na prijedlog Predsjedavajućeg Komisije, jednoglasno je usvojen sljedeći **dnevni red**:

1. Prijedlog Programa rada Gradskog vijeća Grada Sarajeva za 2022. godinu
2. Prijedlog Budžeta Grada Sarajeva za 2022. godinu
3. Prijedlog Odluke o izvršavanju Budžeta Grada Sarajeva za 2022. godinu
4. Nacrt Strategije razvoja Grada Sarajeva 2021.-2027.
5. Tekuća pitanja



## TAČKA 1.

### *Prijedlog Programa rada Gradskog vijeća Grada Sarajeva za 2022. godinu*

Poslije rasprave i sažetka predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija sugeriše Gradskom vijeću da razmatra Programa rada Gradskog vijeća Grada Sarajeva za 2022. godinu kako je predložen.

Prihvaćen je prijedlog predsjedavajućeg Komisije da se vodi jedinstvena rasprava o tačkama 2. i 3. dnevnog reda a odlučuje pojedinačno.

## TAČKA 2. i 3.

- *Prijedlog Budžeta Grada Sarajeva za 2022. godinu*
- *Prijedlog Odluke o izvršavanju Budžeta Grada Sarajeva za 2022. godinu*

Uvodno izlaganje je podnio Muamer Kutlovac, pomoćnik Gradonačelnice za finansije koji dao i dodatna obrazloženja na postavljena pitanja.

U toku rasprave član Komisije Vedad Deljković je zatražio da se njegovi stavovi unesu u zapisnik, a izložio ih je u diskusiji sljedećeg sadržaja.

Sredstva u iznosu od 35.000,00 KM koja su planirana kao transfer javnim poduzećima za JP Tv Sarajevo, d.o.o. ne bi trebala tako biti planirana kao grant, već je mišljenja da ih treba dodijeliti putem javnog poziva.

Potrebno je konstatovati da su u prethodna tri mandata saziva Gradskog vijeća Grada Sarajeva, svake godine izdvajana sredstva za grant za organizaciju Sarajevo Film festivala, u iznosu od 200.000,00 KM.

Član Komisije Drago Jurić je u toku trajanja diskusije zatražio da se u zapisnik unese njegova sugestija sljedećeg sadržaja.

Potrebno je na prihodovnoj strani Budžeta Grada Sarajeva za 2022. godinu uvećati stavku koja se odnosi na plate i naknade uposlenika u organima Grada Sarajeva, a cijeneći okolnost da je došlo do povećanja cijena i troškova života, te da je visina plata i naknada uposlenika organa Grada Sarajeva nedovoljna da pokrije navedena povećanja cijena i troškova života, a posebno imajući u vidu najavljena višestruka poskupljenja prije svega energije.

Također, potrebno je uskladiti akte Grada Sarajeva prema kojima bi se moglo realizovati ovo povećanje.

Poslije rasprave i sažetka predsjedavajućeg, Administrativna komisija je većinom glasova usvojila sljedeći **zaključak**:

1. Administrativna komisija sugerira Gradskom vijeću da razmatra Budžet Grada Sarajeva za 2022. godinu kako je predložen, uz sugestiju Predlagaču da na stavci 614300 Tekući transferi neprofitnim organizacijama- nepredviđeni izdaci izmjeni tako da glasi „Tekući transferi – Gradsko vijeće“ a što je predstavnik Predlagača prihvatio.

Poslije rasprave i sažetka predsjedavajućeg, Administrativna komisija je većinom glasova usvojila sljedeći **zaključak**:

1. Administrativna komisija sugerira Gradskom vijeću da razmatra Odluku o izvršavanju Budžeta Grada Sarajeva za 2022. godinu kako je predložena.

#### *TAČKA 4.*

##### *Nacrt Strategije razvoja Grada Sarajeva 2021.-2027.*

Uvodno izlaganje je podnio predstavnik Predlagača.

Poslije rasprave i sažetka predsjedavajućeg, Administrativna komisija je jednoglasno usvojila sljedeći **zaključak**:

1. Administrativna komisija sugerira Gradskom vijeću da razmatra Nacrt Strategije razvoja Grada Sarajeva 2021.-2027. kako je predložen i uputi ga u javnu raspravu, uz sugestiju da se u toku javne rasprave razmotri prijedlog da se naziv Strategije izmijeni na način da glasi: „Strategija razvoja Grada Sarajeva za period 2022-2027.“.

#### *TAČKA 4.*

##### *Tekuća pitanja*

Pod ovom tačkom dnevnog reda nije bilo zaključaka.

*PREDSJEDAVALAČI KOMISIJE*

*Jasmin Ademović, s.r.*

Predsjedavajući Komisije je u 10.55 sati zaključio rad Devete sjednice Administrativne komisije Gradskog vijeća Grada Sarajeva.